

春秋經傳集解

二十三



春秋經傳集解昭公五第二十四

杜氏

盡二十二年

經十有八年春王三月曹伯須卒

未同盟而赴以名

夏五月壬午宋衛陳鄭災

來告故書天火曰災

六月邾

人入郟

郟國今琅邪開陽縣音禹又音矩

秋葬曹平公冬

許遷于白羽

自葉遷也畏鄭而樂遷故以自遷為文。葉始涉反

傳十八年春王二月乙卯周毛得殺毛伯過

毛伯過周大夫得過之族。過平聲

而代之

代居其位 萇弘曰毛得

必亡是昆吾稔之日也

昆吾夏伯也稔熟也

修惡積熟以乙卯日而毛得以濟修於王都

不亡何待

為二十六年毛伯奔楚傳

三月曹平公卒

為下會葬

見原伯起本

夏五月火始昏見

火心星見賢遍反

丙子風

梓慎曰是謂融風火之始也

東北曰融風融風木也木火母

故曰火之始

七日其火作乎

從丙子至壬午七日故

知當戊寅風甚壬午大甚宋衛陳鄭皆火梓

慎登大庭氏之庫以望之

大庭氏古國名在魯城內魯於其處

昭十八年

作庫高顯。故登以望氣。曰。宋衛陳鄭也。數日。

皆來告火。言經所以書數所主反。裨竈曰。不用吾言。鄭

又將火。前年裨竈欲用壻罽穰火。今復請用之。鄭人請用

之。信竈言。子產不可。子大叔曰。寶以保民也。若

有火國幾亡。可以救亡。子何愛焉。子產曰。天

道遠。人道邇。非所及也。何以知之。竈焉知天

道。是亦多言矣。豈不或信。多言者或時有中幾音祈。又音機。

遂不與。亦不復火。傳言天道難明。雖裨竈猶不足以盡知之。鄭之

大、小、五、十、五、九、六、三

秋、千、四

二

盛

未災也。里析告子產曰。將有大祥。里析。鄭大夫。祥。變異。

之民震動。國幾亡。吾身泯焉。弗良及也。言將先災。

死。薦反。國遷其可乎。子產曰。雖可。吾不足以

定遷矣。子產知天災不可逃。非遷所免。故託以知不足。及火。里析死

矣。未葬。子產使輿三十人。遷其柩。以其嘗與已言故。

火作。子產辭晉公子。公孫于東門。晉人新來未入。故辭。

不使前也。使司寇出新客。新來聘者。禁舊客勿出於宮

為其知國情。不欲令去。使子寬子上。巡羣屏攝。至于大

昭十年

宮二子。鄭大夫。屏攝。祭祀之位。犬宮。鄭祖。使

公孫登徒大龜登。開。卜。大夫。使祝史徒主禘於周

廟告于先君禘。廟主。石。函。周廟。厲王廟也。有。火。災。故。合。羣。主。於。祖。廟。易。救。護。

音石禘。使府人庫人各做其事做。備。火。也。商成公做

司宮商成公。鄭大夫。司。宮。巷。伯。寺。人。之。官。出舊宮人寘諸火所

不及舊宮人。先。公。宮。女。司馬司寇列居火道備。非。常。也。行

火所炊炊。炙。也。許。靳。反。城下之人伍列登城為。部。伍。登。

城備城。備。也。明日使野司寇各保其徵野。司。寇。縣。士。也。火。之。明。日。

四方乃聞災故戒四方。乃。聞。災。故。戒。保。所。徵。役。之。人。郊人助祝史除於國北為。祭。

就於國北者就。於。國。北。者。禳。火。于。玄。冥。回。祿。玄。冥。水。神。祈。

于四鄘鄘。城。也。城。積。土。陰。氣。所。聚。故。祈。祭。之。以。禳。火。之。餘。災。書焚

室而寬其征與之材征。賦。稅。也。三日哭國不市示。憂。

會不。市。使行人告於諸侯宋衛皆如是陳不救

火許不弔災君子是以知陳許之先亡也不。義。

所以所以。亡。六月鄘人藉稻鄘。姓。國。也。其。君。自。出。藉。稻。蓋。履。行。之。

云邾人襲鄘鄘人將閉門邾人羊羅攝其首婦。音。

昭十八年

馬斬得閉遂入之。盡俘以歸。鄆子曰：余無歸

矣。從帑於邾。邾莊公反鄆。夫人而舍其女。明為

年宋伐邾起。秋葬曹平公。往者見周原伯魯。

馬原伯魯與之語。不說學。歸以語閔子馬。閔

子馬曰：周其亂乎？夫必多有是說而後及其

大人。國亂俗壞。言者適多。漸以及大大人患

失而惑。又曰：可以無學。無學不害。患有學而

惑其不害而不學。則苟而可。以為無害。遂不

於是乎下陵上替。能無亂乎？夫學殖也。不學

將落。原氏其亡乎？殖。生長也。言學之進德。如

時力七月鄭子產為火故。大為社。為。治也。干偽

反。下將被禳於四方。振除火災禮也。振。棄也。

佛乃簡兵大蒐。將為蒐除。治兵於廟。城內子

大叔之廟在道南。其寢在道北。其庭小。庭。蒐

過期三日。處小。不得一時使除徒陳於道南

廟北。曰：子產過女。而命速除。乃毀於而鄉。女而

昭十八年

也。毀女所鄉。音汝。鄉許亮反。子產朝君過而怒之。怒不毀。

除者南毀子產及衝使從者止之。曰毀於北

方。言子產仁。不忍毀人廟。火之作也。子產授兵登陴。子

大叔曰晉無乃討乎。辭晉公。子公孫而授兵。似若叛晉。子產

曰吾聞之。小國忘守則危。況有災乎。國之不

可。小有備故也。既晉之邊吏讓鄭曰。鄭國有

災。晉君大夫不敢寧居。卜筮走望。不愛牲玉。

鄭之有災。寡君之憂也。今執事攔然授兵登

陴。攔然。勁忿貌。攔。遐板反。將以誰罪。邊人恐懼。不敢不

告。子產對曰。若吾子之言。敝邑之災。君之憂

也。敝邑失政。天降之災。又懼讒慝之間謀之

以啓貪人。荐為敝邑不利。荐。重也。間。去聲。以重君

之憂。幸而不亡。猶可說也。說。解也。不幸而亡。君

雖憂之。亦無及也。鄭有他竟。望走在晉。言鄭雖與

他國為竟。每瞻望。晉歸赴之。既事晉矣。其敢有二心。傳言子產

有備。楚左尹王子勝言於楚子曰。許於鄭。仇敵

昭八年

也。而居楚地。以不禮於鄭。十五年。平王復遷

恃楚而不事鄭。晉鄭方睦。鄭若伐許。而晉助之。楚喪

地矣。君盍遷許。許不專於楚。自以舊國。不鄭

方有令政。許曰。余舊國也。許先鄭曰。余俘邑

也。隱十一年。鄭滅許。而復存之。故曰我俘邑。葉在楚國方城外之

蔽也。為方城外之蔽障。土不可易。易。輕也。反。國不可

小。謂許不可俘。讎不可啓。君其圖之。楚子說

冬。楚子使王子勝遷許於析。實白羽。於傳時。白羽改

為析

經。十有九年春。宋公伐邾。邾為夏五月戊辰。許

世子止弒其君買。加弒者。責止不捨。已卯。地

震。無傳。秋。齊高發帥師伐莒。冬。葬許悼公。無傳。

傳。十九年春。楚工尹赤遷陰于下陰。陰縣今屬南鄉。

郡。令尹子瑕城郟。叔孫昭子曰。楚不在諸侯

矣。其僅自完也。以持其世而已。遷陰城郟。皆欲以自完。守

楚子之在蔡也。蓋為大夫。時往聘蔡。鄭陽封人之女奔

昭十九年



之生大子建

鄭陽蔡邑。鄭古闕反。

及即位使伍奢為

之師

伍奢伍舉之子。伍負之父。負音云。

費無極為少師無寵

焉欲譖諸王曰建可室矣

室妻也。

王為之聘於

秦無極與逆勸王取之正月楚夫人嬴氏至

自秦

王自取之故稱夫人至。為下。

鄆夫人宋

向戌之女也故向寧請師

寧向戌子也。請於宋公伐邾。

亮反。音恤。

二月宋公伐邾圍蟲三月取之

蟲邾邑。不

書圍取不以告。

乃盡歸鄆俘夏許悼公瘡五

月戊辰飲大子止之藥卒

止獨進藥不由大醫。瘡魚略反。

子奔晉書曰弑其君君子曰盡心力以事君

舍藥物可也

藥物有毒當由醫非凡人所知。譏止不舍藥物所以加弑君之

名。音捨。

邾人。郟人。徐人。會宋公乙亥同盟于

蟲

終宋公伐邾事。郟五兮反。

楚子為舟師以伐濮

濮南夷也。

費無極言於楚子曰晉之伯也邇於諸夏而

楚辟陋故弗能與爭若大城城父而寘大子

焉

城父今襄城城父縣。音霸。又如字。辟匹亦反。

以通北方王收

南方。是得天下也。王說從之。故天子建居于

城父。令尹子瑕聘于秦。拜夫人也。為明年諧

改以為夫秋。齊高發帥師伐莒。莒不事莒子

奔紀鄆。紀鄆莒邑也。東海贛榆縣使孫書伐

之。孫書陳無字初莒有婦人莒子殺其夫已

為嫠婦。嫠婦為嫠及老託於紀鄆。紡焉以

度而去之。因紡繡連所紡以度城而藏之。以

度待及師至則投諸外。投繩城外或獻諸子

占。子占使師夜縋而登。縋登者六十人縋

絕。師鼓譟。城上之人亦譟。莒共公懼。啓西門

而出。七月丙子。齊師入紀。傳言怨是歲也。鄭

駟偃卒。子游娶於晉。大夫生絲弱。子游駟偃

其父兄立子瑕。子瑕子游子產憎其為人也。

憎子且以為不順。舍子立叔弗許。亦弗止。許

為違禮。止之為駟氏聳。聳懼他日。絲以告其

舅。冬。晉人使以幣如鄭。問駟乞之。立故。駟氏

昭十九年

懼駟乞欲逃子產弗遣請龜以上亦弗予大

夫謀對子產不待而對客曰鄭國不天不獲天福

寡君之二三臣札瘥天昏天死曰札小疫曰瘥短折曰天未名

昏曰今又喪我先大夫偃其子幼弱其一二父

兄懼隊宗主私族於謀而立長親於私族之謀宜立親

之長者寡君與其二三老曰抑天實剥亂是吾

何知焉言天自欲亂駟氏非國所知諺曰無過亂門民有

兵亂猶憚過之而況敢知天之所亂今大夫

三三〇四五五八 九

將問其故抑寡君實不敢知其誰實知之平

丘之會在十三年古禾反下同君尋舊盟曰無或失

職若寡君之二三臣其即世者晉大夫而專

制其位是晉之縣鄙也何國之為辭客幣而

報其使晉人舍之遣人報晉使楚人城州來

沈尹戌曰楚人必敗十三年吳縣州來今就城而取之戌莊王曾孫

葉公諸梁父也昔吳滅州來在十三年子旗請

伐之王曰吾未撫吾民今亦如之而城州來

昭十九年

以挑吳能無敗乎。侍者曰：王施舍不倦，息民

五年，可謂撫之矣。戍曰：吾聞撫民者，節用於

內，而樹德於外，民樂其性，而無寇讎。今宮室

無量，民人日駭，勞罷死轉轉遷徒也。挑忘

寢與食，非撫之也。傳言平王所不能霸鄭大水，龍鬪

于時門之外，洧淵。時門，鄭城門也。洧水出於

入潁。反。洧國人請為祭焉。子產弗許，曰：我鬪

龍，不我覲也。覲，見也。祭為命反。龍鬪，我獨何覲焉？禳

之，則彼其室也。淵，龍之室。吾無求於龍，龍亦無求

於我，乃止也。傳言子產之知。令尹子瑕言蹇由於楚

子。蹇由吳王弟，五年靈王執以歸。蹇九衛反。曰：彼何罪？諺所謂

室於怒，市於色者，楚之謂矣。言靈王怒吳子

忿於室家而作色於市人。舍前之忿可也，乃歸蹇由。言楚

用善言。

經二十年春，王正月，夏，曹公孫會自鄆出奔

宋。無傳，嘗有玉帛之使來告，故書。鄆，曹邑。莫公反。一亡增反。秋，盜殺衛

昭十九年

侯之兄絜齊豹作而不義。故書曰盜。所冬十

月。宋華亥。向寧。華定。出奔陳。與君爭而出。皆

戶化十有一月。辛卯。蔡侯廬卒。無傳。未同盟

廬力烏反。又力於反。

傳二十年春。王二月己丑。日南至。是歲朔旦

也。當言正月己丑朔日南至。時史失閏。閏更

在二月後。故經因史而書正月。傳更具於二

月。記南至日。梓慎望氛。氛氣也。時魯侯不行

以正歷也。氣曰。今茲宋有亂。國幾亡。三年而後弭。蔡有

大喪。為宋華向出。奔蔡侯卒。傳叔孫昭子曰。然則戴桓也。

戴族。華氏。桓族。向氏。汰侈無禮已甚。亂所在也。傳言妖

費無極言於楚子曰。建與伍奢將以方城之

外叛。自以為猶宋鄭也。齊晉又交輔之。將以

害楚。其事集矣。王信之。問伍奢。伍奢對曰。君

一過多矣。一過。納何信於讒。王執伍奢。忿奢

使城父司馬奮揚殺犬子。未至。而使遣之。知

子寃。故三月。犬子建奔宋。王召奮揚。奮揚使

昭二十年

城父人執已以至。王曰：言出於余口，入於爾

耳。誰告建也？對曰：臣告之。君王命臣曰：事建

如事余，臣不佞也。佞，才也。不能苟貳，奉初以還。奉，初

命以周旋。不忍後命，故遣之。既而悔之，亦無及已。

王曰：而敢來，何也？對曰：使而失命，召而不來，

是再奸也。奸，犯也。使，所也。逃無所入。王曰：歸

從政，如他日。善其言，舍使還。無極曰：奢之子材，若在

吳，必憂楚國。盍以免其父，召之。彼仁，必來。不

然將為患。王使召之，曰：來。吾免而父。棠君尚

謂其弟負。棠君，奢之長子，尚也。為棠邑。曰：爾

適吳，我將歸死。吾知不逮。負，自以知不及。我能

死，爾能報，聞免父之命，不可以莫之。奔也，親

戚為戮，不可以莫之。報也，奔死免父，孝也。度

功而行仁也。仁者貴成功，度待洛反。擇任而往，知也。負，任

報，離。知死不辟，勇也。尚，為。父不可弃。俱去，為弃。

父名不可廢。俱死，為。爾其勉之，相從為愈。愈，差

也。伍尚歸。奢聞負不來。曰：楚君大夫其盱食

乎。將有吳憂。不得早食。盱。古旦反。楚人皆殺之。負如吳言。

伐楚之利於州于。州于。吳子僚。公子光曰：是宗為

戮而欲反其讎。不可從也。光。吳公子闔廬也。反。復也。負曰：

彼將有他志。光欲弑僚。不利負用事。故破其議。而負亦知之。余姑為

之求士。而鄙以待之。計未得用。故進勇士以求入於光。退居邊鄙。

為。干。偽反。乃見鱄設諸馬。鱄。諸勇士。賢。遍反。鱄。音專。而耕於

鄙。為。二十七年。吳弑僚傳。宋元公無信多私。而惡華向。

華定。華亥與向寧謀曰：亡愈於死。先諸。恐元公殺

已。欲先作亂。惡。烏路反。華亥偽有疾。以誘羣公子。公子

問之。則執之。夏六月丙申。殺公子寅。公子御

戎。公子朱。公子固。公孫援。公孫丁。拘向勝。向

行於其廩。八子。皆公黨。魚。呂反。又如字。公如華氏。請焉。

弗許。遂劫之。公。癸卯。取大子欒。與母弟辰。公

子地。以為質。欒。景公也。辰及地。皆元公弟。質。音致。案。公子辰是景公之母

弟。地是辰兄。當為元公弟。誤。公亦取華亥之子無

昭三十年

感向寧之子羅華定之子啓與華氏盟以為

質為此冬華衛公孟縶狎齊豹公孟靈公兄也齊豹齊惡

之子為衛司寇狎輕也奪之司寇與鄆鄆音綸有役

則反之無則取之繫足不良故有役則公孟

惡北宮喜褚師圃欲去之喜貞子惡烏公

子朝通于襄夫人宣姜宣姜靈公嫡母如字懼而欲

以作亂故齊豹北宮喜褚師圃公子朝作亂

初齊豹見宗魯於公孟薦達也為驂乘焉

為公孟驂乘將作亂而謂之曰公孟之不善子所

知也勿與乘吾將殺之對曰吾由子事公孟

子假吾名焉故不吾遠也言子借我以善名

與音預又如雖其不善吾亦知之却以利故

不能去是吾過也今聞難而逃是僭子也子使

言不信也子行事乎吾將死之以周事子

難乃旦反而歸死於公孟其可也丙辰衛侯在

平壽平壽衛下邑公孟有事於蓋獲之門外祭也

昭二十年



蓋獲。衛郭門。齊子氏帷於門外而伏甲焉。齊豹之家。使

祝鼃寘戈於車薪以當門。要其前也。烏媧反。使一

乘從公孟以出。亦如前車寘戈於薪。尋其後。如字。又才用反。使

華齊御公孟宗魯驂乘及閔中。閔。曲門中。華。戶化反。

齊氏用戈擊公孟宗魯以背蔽之。斷肱以中

公孟之肩皆殺之。公聞亂乘驅自閔門入慶

比御公公南楚驂乘使華寅乘貳車。公副車。斷。丁

管反。中。丁仲反。比。如字。又毗志反。及公宮鴻駟駟乘于公

鴻駟。駟復就公乘。一車。四。人。駟音留。駟音頽。公載寶以出。褚師子

申遇公于馬路之衢。遂從。從公出。才用反。過齊氏

使華寅肉袒執蓋以當其闕。肉袒。示不敢與齊氏爭。執蓋蔽

公而去。闕。空也。以蓋當侍從空闕之處。齊氏射公中南楚之背。

公遂出寅閉郭門。不欲令追者出。射。食亦反。踰而從公

踰。郭出。如字。從。才。公如死鳥。死鳥。衛地。析朱鉏宵從

竇出。徒行從公。朱鉏。成子黑背。竇。音豆。齊侯使公孫

青聘于衛。青。頃公之孫。頃。音傾。既出聞衛亂使請所

聘。公曰。猶在竟內。則衛君也。乃將事焉。將事。行聘。

音境。竟。事。遂從諸死鳥。請將事。辭曰。亡人不佞。

失守社稷。越在草莽。吾子無所辱君命。賓曰。

寡君命下臣於朝。曰。阿下執事。阿。比也。命已使。比衛臣下。

臣不敢貳。貳。違命也。主人曰。君若惠顧先君之好。

照臨敝邑。鎮撫其社稷。則有宗祧在。言受聘當在宗廟也。

乃止。聘事不行。衛侯固請見之。欲與青相見。不獲

命。以其良馬見。以為相見之禮。馬見賢遍反。下同。為未致使

故也。未致使。故不敢以客禮見。為于偽反。衛侯以為乘馬。喜其

敬已。故貴其物。乘繩證反。又如字。賓將擷。擷。行夜。擷側九反。又祖侯反。行下。

主人辭曰。亡人之憂。不可以及吾子。草莽

之中。不足以辱從者。敢辭。賓曰。寡君之下臣。

君之牧圉也。若不獲扞外役。是不有寡君也。

有。相親有。扞。戶旦反。臣懼不免於戾。請以除死。親執

鐸。終夕與於燎。設火燎以備守。與音預。下不與聞同。燎九召反。又力弔。

齊氏之宰渠子。召北宮子。北宮喜也。北宮氏之

昭二十年

宰不與聞謀殺渠子。遂伐齊氏滅之。丁巳晦。

公入與北宮喜盟于彭水之上。喜本與齊氏同謀故公先

與喜盟。秋七月戊午朔遂盟國人。八月辛亥公

子朝褚師圃子玉霄子高魴出奔晉。皆齊氏黨閏

月戊辰殺宣姜。與公子朝通謀故衛侯賜北宮喜謚

曰貞子。滅齊氏故賜析朱鉏謚曰成子。霄從公故而以

齊氏之墓予之。皆未死而賜謚及墓田傳終而言之衛侯告寧

于齊且言子石。子石公孫青禮齊侯將飲酒徧

賜大夫曰二三子之教也。喜青敬苑何忌辭

曰與於青之賞必及於其罰。何忌齊大夫言青若有罪亦當

并受其罰。在康誥曰父子兄弟罪不相及

尚書。況在羣臣臣敢貪君賜以干先王。言受賜則

犯康誥。琴張聞宗魯死。琴張孔子弟子將往

弔之。仲尼曰齊豹之盜而孟縶之賊女何弔

焉。言齊豹所以為盜孟縶所以見賊皆由宗魯。君子不食姦

知公孟不善而受其祿是食姦也。不受亂。許豹行事不為利

疾於回

疾。病。回。邪也。以利故不能去。不以回

待人

知難不告。是以邪。不蓋不義。以周事豹。

不犯非禮

以二心事。宋華向之亂。公子城。

子公孫忌樂舍

喜孫。司馬彊向宜。向鄭。

子楚建

楚平王之。郟甲。小邾穆公子。出奔鄭。

公黨辟難出

其徒與華氏戰于鬼閭。

衆也。穎川長平縣西北有閭。

敗于城子城適。

晉

子城為華氏所敗。別走至晉。華亥與其妻。

必盟而食所質公子者而後食。公與夫人每

日必適華氏。食公子而後歸。華亥患之。欲歸

公子。向寧曰。唯不信。故質其子。若又歸之。死

無日矣。公請於華費遂。將攻華氏。

費遂。大司馬。華氏族。

對曰。臣不敢愛死。無乃求

去憂而滋長乎。

恐殺大子。憂益長。臣是以

懼。敢不聽命。公曰。子死亡有命。余不忍其詢

詢。取也。冬十月。公殺華向之質而攻之。戊

昭二十年

辰華向奔陳。華登奔吳。登費遂之子。黨華向者。向寧欲

殺犬子。華亥曰：「干君而出，又殺其子，其誰納我且歸之有庸？」可以為功善。使少司寇恠以歸。三

公子歸公也。恠華亥庶兄。恠苦耕反。曰：「子之齒長矣，不能事

人以三公子為質，必免。」質信也。送公子歸。可以自明不叛之信。

公子既入，華恠將自門行。從公去。公遽見

之，執其手曰：「余知而無罪也。入復而所也。」而女所居。齊侯疥，遂疢。疢瘡疾。失廉反。期而不瘳，諸侯

之賓問疾者多在。多在齊。期音基。梁丘據與裔款

言於公曰：「吾事鬼神豐於先君，有加矣。今君疾病為諸侯憂，是祝史之罪也。諸侯

不知其謂我不敬，君盍誅於祝固。史嚚以辭

賓，欲殺嚚，固以辭謝來問。」公說，告晏子。晏子

曰：「日宋之盟，日往日也。宋盟在襄二十七年。屈建問范

會之德於趙武。趙武曰：「夫子之家事治，言於

晉國，竭情無私，其祝史祭祀，陳信不愧，其家

昭二十年

事無猜其祝史不祈

家無猜疑之事。故祝史無求於鬼神。屈居勿

反建以語康王

楚王。魚據反。語。

康王曰神人無怨。

宜夫子之光輔五君以為諸侯主也

五君。文襄靈成。

景公曰據與款謂寡人能事鬼神故欲誅於

祝史子稱是語何故對曰若有德之君外內

不廢

無廢事

上下無怨動無違事其祝史薦信

無愧心矣

君有功德。祝史陳說之無所愧。

是以鬼神用饗國

受其福祝史與焉

與受國福。與音預。

其所以蕃祉老

壽者為信君使也其言忠信於鬼神其適遇

淫君外內頗邪上下怨疾動作辟違從欲厭

私

使私情厭足。頗普何反。辟匹亦反。從。子用反。下淫從同。或如字。厭於豔反。

高

臺深池撞鐘舞女斬刈民力輸掠其聚

掠奪取也。

音亮

以成其違不恤後人暴虐淫從肆行非

度無所還忌

還猶顧也。

不思謗讟不憚鬼神神怒

民痛無悛於心其祝史薦信是言罪也

以實白神。

是為言君之罪

其蓋失數美是矯誣也

蓋掩也。數所主反。

進

昭二十年

退無辭則虛以求媚作虛辭以是以鬼神不

饗其國以禍之祝史與焉所以大昏孤疾者

為暴君使也其言僭慢於鬼神公曰然則若

之何對曰不可為也言非誅祝史所能治山林之木衡

鹿守之澤之萑蒲舟鮫守之藪之薪蒸虞候

守之海之鹽蜃祈望守之衡鹿舟鮫虞候祈望皆官名也言公

專守山澤之利不與民縣鄙之人入從其政

偏介之闕暴征其私介隔也迫近國都之關言邊鄙既入服政役又

為近關所征稅枉暴奪其私物其政如字一音征承嗣大夫強易其

賄者承嗣大夫世位布常無藝藝法制也言徵布政無法制

斂無度宮室日更淫樂不違違去內寵之妾

肆奪於市肆放外寵之臣僭令於鄙詐為教

鄙私欲養求不給則應養長也所求不民人

苦病夫婦皆詛祝有益也詛亦有損聊攝以

東聊攝齊西界也平原聊城縣東姑尤以西

姑尤齊東界也姑水尤水其為人也多矣雖

其善祝。豈能勝億兆人之詛。萬萬曰億。兆，君若

欲誅於祝史。脩德而後可。公說。使有司寬政。

毀關。去禁。薄斂。已責。除逋責。去起呂反。驗反。責本作債。逋布

胡反。十二月。齊侯田于沛。言疾愈。行獵。沛。沛音貝。招虞

人以弓。不進。虞人。掌山澤之官。公使執之。辭曰。昔我

先君之田也。旃以招大夫。弓以招士。皮冠以

招虞人。臣不見皮冠。故不敢進。乃舍之。仲尼

曰。守道不如守官。君招當往。道之常也。非物不進。官之制也。君子

韙之。也。是也。齊侯至自田。晏子侍于遄臺。子猶

馳而造焉。子猶。梁丘據。市專反。造七報反。公曰。唯據與我

和夫。晏子對曰。據亦同也。焉得為和。公曰。和

與同異乎。對曰。異。和如羹焉。水火醯醢鹽梅

以烹魚肉。燂之以薪。燂。炊也。燂音扶。宰夫

和之。齊之以味。濟其不及。以洩其過。濟。益也。洩。減也。

○齊才細。君子食之以平其心。君臣亦然。亦

羹。反。又如字。君所謂可。而有否焉。否。不。可也。臣獻其否。以成



其可以獻君之否。君所謂否。而有可焉。臣獻其

可。以去其否。是以政平而不干。民無爭心。故

詩曰。亦有和羹。既戒既平。詩頌殷中宗。言中宗能與賢者和齊。

可否。其政如羹。敬戒且平。和羹備五味。異於大羹。和齊竝如字。一讀上戶卧反。下才細。

反。駸嘏無言。時靡有爭。駸。總也。嘏。大也。言總大政。能使上下皆如。

和羹。和羹。子工。先王之濟五味。濟。成也。和五聲。

也。以平其心。成其政也。聲亦如味。一氣須氣以動。

二體舞者有文武。三類頌風雅。四物雜用四方之器。五

聲宮商角徵羽。六律黃鍾大蕤姑洗蕤賓夷則無射也。陽聲為律。陰聲為呂。此

十二月氣。七音周武王伐紂。自午及子。凡七日。王因

此以數合之。以聲昭之。故以七音。八風八方九

歌九功之德。皆可歌也。六府三事。謂之九功。六府。金木水火土穀。三事。正德利用厚

生也。以相成也。言此九者合然。清濁小大。短長

疾徐哀樂剛柔遲速高下。出入周疏。以相濟

也。周密也。君子聽之。以平其心。心平德和。故詩

曰。德音不瑕。詩豳風也。義取心無瑕闕。今據不然。君

所謂可。據亦曰可。君所謂否。據亦曰否。若以

水濟水。誰能食之。若琴瑟之專壹。誰能聽之。

同之不可也。如是飲酒樂。公曰古而無死。其

樂若何。晏子對曰古而無死。則古之樂也。君

何得焉。昔爽鳩氏始居此地。爽鳩氏少皞氏之司寇也。季

荝因之。季荝虞夏諸侯。代爽鳩氏者。有逢伯陵因之。

逢伯陵殷諸侯。姜姓。蒲姑氏因之。蒲姑氏殷周之間代逢公者。而後

大公因之。古若無死。爽鳩氏之樂。非君所願

也。齊侯甘於所樂。志於不死。晏子稱古以節其情願。鄭子產有疾。謂

子大叔曰。我死。子必為政。唯有德者。能以寬

服民。其次莫如猛。夫火烈。民望而畏之。故鮮

死焉。水懦弱。民狎而翫之。狎輕也。則多死焉。故

寬難。難以治。疾數月而卒。大叔為政。不忍猛而

寬。鄭國多盜。取人於荏苒之澤。荏苒澤名。於澤中劫人。

荏音丸。苒音蒲。又如字。大叔悔之。曰。吾早從夫子。不及

此。興徒兵以攻荏苒。苒之盜盡。殺之。盜少止。仲

昭二十年

尼曰善哉政寬則民慢慢則糾之以猛糾猶攝也

猛則民殘殘則施之以寬寬以濟猛猛以濟

寬政是以和詩曰民亦勞止汔可小康惠此

中國以綏四方施之以寬也詩大雅汔其也周厲王暴虐民勞於苛政故詩人刺

之欲其施之以寬也汔許乙反毋從詭隨

從詭人隨人無正心不可以謹無良謹勅式遏

寇虐慘不畏明糾之以猛也式用也遏止也

當用猛政糾治之亦柔遠能邇以定我王平

之以和也柔安也邇近也遠者懷附又曰不

競不綌不剛不柔詩殷頌言湯政得中和競強也綌急也

布政優優百祿是適優優和也適聚也和

之至也及子產卒仲尼聞之出涕曰古之遺

愛也子產見愛有古人之遺風

經二十有一年春王三月葬蔡平公夏晉侯

使士鞅來聘晉頃公即宋華亥向寧華定自

陳入于宋南里以叛自外至故曰入披其邑

昭王年

大七下少八八九十 秋十四 二十五 王

名。披。秋。七月壬午朔日有食之。八月乙亥。

叔輒卒。叔弓之。子伯張。冬蔡侯朱出奔楚。朱為犬子。則失位。遂

微弱為國人所逐。公如晉。至河乃復。晉人辭。故以自出為文。

傳二十一年春。天王將鑄無射。周景王也。無射。鐘名。律中

無射。射音亦。泠州鳩曰。王其以心疾死乎。泠。樂官。州鳩。

夫樂。天子之職也。職所主也。夫音樂之

輿也。樂因音而行。而鐘音之器也。音由器發。天子省

風以作樂。省風俗。作樂以移之。器以鐘之。鐘聚也。以輿

以行之。樂須音而行。小者不窳。窳。細不滿。他彫反。大者

不櫛。櫛。橫大不入。櫛。戶化反。則和於物。物和則嘉成。嘉樂

成故和聲入於耳。而藏於心。心億則樂。億。安也。

窳則不咸。不充滿人心。咸。如。櫛。則不容。心

堪。心是以感。感實生疾。今鐘櫛矣。王心弗堪。

其能久乎。為明年天。王崩傳。三月葬蔡平公。蔡犬子

朱失位。位在卑。不在適子位。以長幼齒。大夫送葬者歸。

見昭子。昭子問蔡故。以告。昭子歎曰。蔡其亡

昭子年

乎。若不亡，是君也，必不終。詩曰：不解于位，民

之攸暨。詩大雅。暨，息也。解，今蔡侯始即位。

而適卑，身將從之。為蔡侯朱夏。晉士鞅來聘。

叔孫為政。叔孫昭子以季孫欲惡諸晉。憎叔

已上位，欲使得罪。使有司以齊鮑國歸費之

禮為士鞅。鮑國歸費。在十四年。牢禮各如其

費音祕。故士鞅怒曰：鮑國之位下，其國小，而

使鞅從其牢禮，是卑敝邑也。將復諸寡君。魯

人恐，加四牢馬為十一牢。言魯不能以禮事

吳徵百牢起。宋華費遂生華，公御士。與與

少司馬多僚為御士。公御士。與與

諧諸公曰：龜將納亡人。亡人。華亥等。惡亟

言之。公曰：司馬以吾故，亡其良子。司馬謂費

馬。良子謂華登。亟欺冀反。死亡有命，吾不可以再亡之。

對曰：君若愛司馬，則如亡。君若愛大司馬，死

如可逃，何遠之有。言亡可以逃死，勿公懼，使

昭十年

侍人召司馬之侍人宜僚飲之酒而使告司

馬。告司馬使逐羆。飲於鳩反。司馬歎曰必多僚也吾有

讒子而弗能殺吾又不死抑君有命可若何

乃與公謀逐華羆將使田孟諸而遣之公飲

之酒厚酬之幣酒賜及從者司馬亦如之如亦

公賜。才用反。從張勾尤之張勾華羆臣。尤怪賜之厚。曰必有故

使子皮承宜僚以劍而訊之子皮華羆。訊問也。宜僚

盡以告告欲因田遣之。張勾欲殺多僚子皮曰司

馬老矣登之謂甚言登亡傷司馬心已甚。吾又重之不

如亡也五月丙申子皮將見司馬而行則遇

多僚御司馬而朝張勾不勝其怒遂與子皮

曰任鄭翩殺多僚任翩亦羆家臣。重直用反。見音現。勝音升。任音壬。

劫司馬以叛而召亡人壬寅華向入樂大心

豐愆華恠禦諸橫梁國睢陽縣。南有橫亭。華氏居盧門

以南里叛盧門。宋東城。南門。六月庚午宋城舊鄘及

桑林之門而守之舊鄘。故城也。桑林。城門名。秋七月壬午

朔日有食之。公問於梓慎曰：是何物也？禍福

何為也？物事也。對曰：二至二分。二至：冬至、夏至。二分：春分、秋分。日

有食之，不為災。日月之行也，分同道也。至，相

過也。二分：日夜等，故言同道。二至：長短極，故相過。其他月則為災。

陽不克也。故常為水。陰侵陽，是於是不勝陰。於是叔輒哭

日食。意在於憂災。昭子曰：子叔將死，非所哭也。八

月，叔輒卒。冬十月，華登以吳師救華氏。登前年奔

吳，齊烏枝鳴戍宋。廚人濮曰：濮，宋廚邑大夫。

軍志有之：先人有奪人之心，後人有待其衰

盍及其勞，且未定也。伐諸若入而固，則華氏

眾矣。悔無及也。從之。丙寅，齊師敗吳師

于鴻口。梁國睢陽縣東有鴻口亭。獲其二帥

公子苦、錐、偃州、負。二帥：吳大夫。錐，音云。又音圓。華登

帥其餘師，以敗宋師。公欲出，廚人濮曰：

吾小人可藉死，死，可借使。而不能送亡君。請待

之。請君待復戰，決勝負。絕句。乃徇曰：揚徽者，公

昭二十一年

大、二、卅六、小、廿八、七十三、秋二十四、二、九、王

徒也

徵識也。志反。又昌志反。

衆從之。公自揚門見之。

見國人皆揚徽。睢陽正東門名揚門。

下而巡之。曰：國亡君死，二

三子之恥也。豈專孤之罪也？齊烏枝鳴曰：用

少莫如齊致死，齊致死莫如去備。

備，長兵也。去，起呂。

反。彼多兵矣，請皆用劍。從之。華氏北，復即之。

北，敗走。

廚人濮以裳裹首而荷以走。曰：得華登

矣，遂敗華氏于新里。

新里，華氏所取邑。荷，何可反。又音何。

翟

偻新居于新里。既戰，說甲于公而歸。

居華氏地而助。

公戰。說，他活反。

華姓居于公里，亦如之。

姓華氏族。

故助華氏，亦如偻新說。甲歸，傳言古之為軍。不皆小忿。姓他口反。些，才斯反。又音紫。

十一月癸未，公子城以晉師至。

城，以前年奔晉。今還救宋。

曹翰胡

曹大夫。又戶旦反。

會晉荀吳。

中行穆子。行，戶郎。

反。齊苑何忌

齊大夫。

衛公子朝

前年出奔晉。今還衛救宋。

救宋。

丙戌，與華氏戰于赭丘。

赭丘，宋地。音者。

鄭翩願為

鸛其御，願為鵞。

鄭翩，華氏黨。鸛，鵞，皆陳名。子，古喚反。鵞，五多反。

子

祿御公子城，莊董為右。

子祿，向宜。董，音謹。

干孳御呂

昭十年



封人華豹張句為右

呂封人華豹華氏相遇

相遇

城還華豹曰城也城怒而反之

怒其呼已

將

注豹則關矣

注傳矢關引弓

曰平公

之靈尚輔相余

平公公子

豹射出其間

出子

亦反又食夜反

將注則又關矣曰不狎鄙

更狎

也音庚

更抽矢

不射

城射之殪

死豹張句抽及而

下

及長丈二在車邊

射之折股扶伏而

擊之折軫

折城車軫折之設反扶伏竝如

同又射之死

死句干孳請一矢

死求城曰余言女

於君

欲活之

對曰不死伍乘軍之大刑也

同乘共伍當皆

干刑而從子君焉用之子速

諸乃射之殪

死孳又

大敗華氏圍諸南里華亥

搏膺而呼見華癭曰吾為欒氏矣

晉欒盈還

死事在襄二十三年癭曰子無我廷不幸而

後亡

廷恐也

使華登如楚乞師華癭以車

十五乘徒七十人犯師而出

犯公師出

食於

昭十年

睢上哭而送之。乃復入。入南里。睢音雖。楚遠越帥

師將逆華氏。大宰犯諫曰：「諸侯唯宋事其君。」

今又爭國釋君而臣是助，無乃不可乎？王曰：

「而告我也。」後既許之矣。為明年華向出奔蔡。楚傳。遠于委反。蔡

侯朱出奔楚，費無極取貨於東國。東國，隱犬子之。平

侯廬之弟。朱叔父也。而謂蔡人曰：「朱不用命於楚，君王

將立東國，若不先從，王欲楚必圍蔡。」蔡人懼，

出朱而立東國。朱愬于楚楚子，將討蔡。無極

曰：「平侯與楚有盟，故封。盟于鄧，依陳。蔡人以國。其子有

二心，故廢之。子謂朱也。靈王殺隱犬子，其子與君

同惡，德君必甚。又使立之，不亦可乎？且廢置

在君，蔡無他矣。言權在楚，則蔡無他心。公如晉及河鼓

叛晉。叛晉屬鮮虞。晉將伐鮮虞，故辭公。將有軍事，無暇於待。

賓且懼。泄軍謀。

經二十有二年春，齊侯伐莒，宋華亥、向寧、華

定自宋南里出奔楚。言自南里別從國去。別彼列反。大蒐

昭十五年

于昌間無傳。如字。夏四月乙丑天王崩。六月叔

鞅如京師葬景王。叔鞅。叔弓子。三月而葬。亂故速。鞅於丈反。王

室亂。承叔鞅言而書之。未劉子單子以王猛

居于皇。河南鞏縣西南有黃亭。辟子朝難出。居皇。王猛書名。未即位。單音善。

秋劉子單子以王猛入于王城。王城。河南縣。晉助

猛。故得冬十月王子猛卒。未即位。故十有二

月癸酉朔日有食之。無傳。此月有庚戌。又以

卯朔。書癸酉誤。

傳二十二年春王二月甲子齊北郭啓帥師

伐莒。啓。齊大夫。北莒子將戰苑羊牧之諫。牧

莒大夫。元反。曰齊帥賤其求不多。不如下之大

國不可怒也。弗聽。敗齊師于壽餘。莒地。反。下

齊侯伐莒。怒莒子行成。司馬竈如莒泣盟。竈

大莒子如齊泣盟。盟于稷門之外。稷門。齊莒

於是乎大惡其君。為明年莒子來奔。惡烏路反。楚遠越

使告于宋曰。寡君聞君有不令之臣。為君憂

昭二十二年

無寧以為宗羞

無寧。寧也。言華氏為宋宗廟之羞。恥。

寡君請受

而戮之。對曰。孤不佞。不能媚於父兄。

華。向。公族也。故。

稱父兄。

以為君憂。拜命之辱。抑君臣日戰。君曰。

余必臣是助。亦唯命。人有言曰。唯亂門之無

過。君若惠保。敝邑無亢不衷。以獎亂人。孤之

望也。唯君圖之。楚人患之。

患。宋以義距之。過。古禾反。亢。苦浪。

反。衷。音忠。

諸侯之戍。謀曰。若華氏知困而致死。楚

恥無功而疾戰。非吾利也。不如出之。以為楚

功。其亦無能為也已。

言華氏不能復為宋患。

救宋而除

其害。又何求。乃固請出之。宋人從之。己巳。宋

華亥。向寧。華定。華龜。華登。皇奄。傷省臧。士平。

出奔楚。

華龜以下五子不書。非卿。省。悉。井。反。又。所。景。反。

宋公使公

孫忌為大司馬。

代華費遂。

邊。印為大司徒。

印。平。公。曾孫。代。

華定。五郎反。

樂祁為司城。

祁。子罕孫。

仲幾為左

師。

幾。仲江孫。代向。寧。音基。

樂大心為右師。

代華亥。

樂輓

為大司寇。

輓。子罕孫。音晚。

以靖國人。

終梓慎之言。三年而後弭。

昭二十二年

王子朝賓起有寵於景王

子朝景王之長庶子賓起子朝之傅

朝如字凡人名字皆張遙反或云朝錯姓亦有兩音

王

與賓孟說之欲立之

孟即起也王語賓孟欲立子朝為大子

音悅劉獻公之庶子伯蚩事單穆公

獻公劉擊伯蚩

劉狄穆公單旗

惡賓孟之為人也願殺

之又惡王子朝之言以為亂願去之

子朝有欲立之

言故劉蚩惡之惡去聲去上聲

賓孟適郊見雄雞自斷其

尾問之侍者曰自憚其犧也

畏其為犧性奉宗廟故自殘毀

管○斷丁遠歸告王且曰雞其憚為人用乎人

異於是

雞犧雖見寵飾然卒當見殺若人犧見寵飾則當貴盛故言異於雞

者實用人人犧實難已犧何害

言設使寵人如寵犧則不

宜假人以招禍難使犧在已則無患害已喻子朝欲使王早寵異之

王弗應

年大子壽卒王立子猛後復欲立子朝而未定賓孟感雞盛稱子朝王心許之故不應

難去夏四月王田北山使公卿皆從將殺單

子劉子

北山洛北芒也王知單劉不欲立子朝欲因田獵先殺之

有心疾乙丑崩于榮錡氏

四月十九日河南鞏縣西有榮錡澗

綺反。魚。戊辰。劉子摯卒。二十日無子。單子立。劉

盆子盆事單。五月庚辰見王見賢。遂攻賓

起。殺之朝故。盟羣王子于單氏王子猛次正。

懼諸王子或黨子朝故盟之。晉之取鼓也在十年。既獻而反

鼓子焉廟獻於。又叛於鮮虞鮮虞屬。六月荀吳

略東陽略行也。東陽。晉之山。東邑。魏。使師僞

糴者負甲以息於昔陽之門外昔陽。故肥子。

狄遂襲鼓滅之。以鼓子鳶鞮歸使涉佗守之

守鼓之地。涉佗。晉大夫。鳶。丁巳葬景王。王

子朝因舊官百工之喪職秩者與靈景之族

以作亂百工。百官也。靈王景王。帥郊要餞之

甲三邑。周地。要一。以逐劉子逐伯。壬戌劉

子奔揚揚。周。單子逆悼王于莊宮以歸悼王。

也。王子還夜取王以如莊宮王子還。子朝黨。

得王猛。故取之。癸亥單子出失王。故。王子還與召莊

公謀莊公。召伯。子朝。曰不殺單旗不捷單旗。

昭王五年

也。與之重盟。必來背盟而克者多矣。從之。

謀也。背音佩。樊頃子曰：非言也，必不克。頃子，樊齊。單劉黨。

頃音遂奉王以追單子。王子還及領大盟而

復。領，周地。欲重盟。今殺摯荒以說。委罪於荒。說如字。

又音劉子如劉。歸其采邑。單子亡。乙丑，奔于平時。

平時，周地。知王子還欲背盟。故亡走。羣王子追之。單

子殺還。姑發弱駸，延定稠。八子。靈景之族。子

朝奔京。其黨死故。丙寅，伐之。單子京人奔山。劉子

入于王城。子朝奔京。故得入。辛未，鞏簡公敗績于京。

乙亥，甘平公亦敗焉。甘鞏二公。周卿士。叔鞅

至自京師。葬景王還。言王室之亂也。經所閔馬父

曰：子朝必不克其所與者，天所廢也。閔馬父。

魯大夫。天所廢。謂羣喪職秩者。單子欲告急於晉。秋七月，戊

寅，以王如平時。遂如圃車。次于皇。出次以示急。戊寅。七

六月三日。經書劉子如劉。單子使王子處守于

王城。王子處。子猛黨。盟百工于平宮。平宮。平

辛卯鄆肸伐皇

鄆肸子朝黨。音尋。許乙反。

大敗獲鄆

肸壬辰焚諸王城之市

焚鄆

八月辛酉司徒

醜以王師敗績于前城

醜悼王司徒前城子朝所得邑

百工

叛司徒醜

己巳伐單氏之宮敗焉

百工伐單氏為單氏

所敗庚午反伐之

辛未伐東圍

百工所

東南有

冬十月丁巳晉籍談荀躒帥九州之

戎

九州戎陸渾戎十七年滅屬晉州

及焦瑕

溫原之師

焦瑕溫原

以納王于王城

丁巳在

書秋

誤庚申單子劉盩以王師敗績于郊

為子朝

黨所

前城人敗陸渾于社

前城子朝

十一月

乙酉王子猛卒

乙酉在十一月經書十月誤

不成喪也

釋所以不

已丑敬王即位

敬王王

弟王館于子旅氏

十二月庚戌晉籍

談荀躒賈辛司馬督

司馬

帥師軍于陰

籍談

于侯氏

荀躒

于谿泉

賈辛所軍鞏縣

次于社

司馬督

王師軍于汜于解次于任人

王師分

昭二十二年



洛陽西南有大解音凡。解音蟹。任音王。閏月。晉箕遺樂徵。

右行詭濟師。取前城。三子。晉大夫。濟師。渡伊洛。行音大。戶郎反。詭音九。委。

反軍其東南。王師軍于京楚。辛丑。伐京。毀其

西南。京楚。子朝所在。



春秋經傳集解昭公五第二十四

大傳七十五。二十。三十九。

相臺岳氏刻  
梓荆谿家塾

昭二十二年



